



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCCCLXXII. ad annum DCCCCIX.

Parisiis, 1644

XVIII. De quodam Altmanno, qui sibi commatrem spiritualem in coniugium
habet sociatam.

urn:nbn:de:hbz:466:1-15967

XVI.

Qui sacerdotem morti voluntarie tradiderit, carnem non comedat, nec vinum bibere præsumat omnibus diebus vitæ suæ. Ieiunet autem vsque ad vesperam, exceptis diebus festis atque dominicis. Arma non sumat, & vbicumque ire maluerit, nullo vehiculo deducatur, sed propriis pedibus proficiscatur. Ecclesiam per quinquennii tempus non ingrediatur, sed cum sacrarum orationum officia, aut Missarum solennia celebrantur, ante fores basilicæ perseueret, orans ac deprecans Dominum, vt tanto crimine abluatur. Post expletum vero quinquennii tempus ingrediatur ecclesiam, non tamen communicet, sed inter audientes tantummodo stet, vel dum facultas conceditur sedeat. Dum autem duodecimi anni cursus fuerit finitus, communicandi ei tribuatur medela. Maneat tamen in reliquis obseruationibus tres dies per hebdomadam, vt ad perfectionis purificatus mereatur venire culmen.

XVII.

Admonemus atque præcipimus, vt decima omnino Deo dari non negligatur, quam Dominus ipse dari sibi constituit. Timendum est enim, quisquis Deo debitum suum abstrahit, ne Deus propter peccatum suum auferat ei necessaria sua. Qui vero decimas post crebras admonitiones & prædicationes sacerdotum dare neglexerint, excommunicentur.

XVIII.

Perlatum est ad nos, quod quidam Altmannus nomine, sibi commatrem spiritualem, ex parochia

ANNO
CHRISTI
888.

chia Arnonis episcopi scelesto coniugio associasset: sed postea per sacramenta ab ea separatus, modo iterum eam sibi impiam copulatione habet sociatam. Quem, quia tale scelus perpetratum habere audiuius, secundum constitutionem sancti Gregorii papæ, gladio spirituali percutimus, eumque anathematis vinculo innodamus.

XIX.

In quorum iudicio, neque ad dexteram, neque ad sinistram declinandum est: sed regia via gradientum. In Concilio Neocæsarensi capite primo scriptum est: Presbyter, si vxorem acceperit, ab ordine deponatur. Si vero fornicatus fuerit, aut adulterium perpetraverit, amplius pelli debet, & ad pœnitentiam redigi. Item in Concilio Carthaginensi capitulo vicesimoquinto scriptum est: Aurelius episcopus dixit: Præterea cum de quorundam clericorum, quamuis erga vxores proprias incontinentia referatur, placuit, quod & in diuersis Conciliis firmatum est, vt subdiaconi, qui sacra mysteria contrectant, & diaconi & presbyteri, sed & episcopi, secundum priorum statuta, etiam ab vxoribus se abstineant, vt tamquam non habentes esse videantur. Quod nisi fecerint, ab ecclesiastico remoueantur officio. Ceteros autem clericos ad hoc non cogi, nisi maturiori ætate.

Neocæsarensē Cōcilium, Canon. 1. & in decret. dist. 28. Presbyter.

Vide Carthaginensē II. & Carthaginensē V. cap. 5.

XX.

De precariis iniuste & irrationabiliter factis, easque cum vi & sine nostræ voluntatis consensu habere volunt, sicut in Rhemensi Concilio statutum est capite trigesimo septimo. Si quilibet hominum

Rhemensē Concilium tempore Gallic. 37.

Concil. Tom. 24.

Eccc